

# Ժողովուրդ

7 դեկտեմբերի շաբաթ 2024  
տպագրության ԺԳ տարի

171  
(3021)

Թ. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՔՊ-ԱԿՏՆԵՐԸ ՏՈՒԺՈՂ ԵՆ ԲԱՅՑ ԴԱՏԱՐԱՆ ՉԵՆ ՆԵՐԿԱՅԱՆՈՒՄ



Արարատի մարզի դատարանը ծանուցում է ուղարկել ՊԿԾ պետ Ռոմանոս Պետրոսյանին, ԱԺ պատգամավոր Գագիկ Մելքոնյանին, Ռուսաստանում Հայաստանի դեսպան Գուրգեն Արսենյանին, որ ներկայանան դատարան, սակայն վերջիններս չեն ներկայացել: Դատարանում բարձրացվել է նրանց բերման ելքարկելու հարցը, սակայն դատավորը մերժել է ու որոշել կրկին ՔՊ-ականներին ծանուցում ուղարկել, որ ներկայանան դատարան: Իսկ ինչ քրեական վարույթով:

Դեռևս փետրվարի 20-ից ՔՊ գրասենյակին, ինչպես նաև ՔՊ պատգամավորներ Գուրգեն Արսենյանին և Գագիկ Մելքոնյանին պատկանող տարածքներում ռումբ տեղադրելու գործով քրեական վարույթ կա նախաձեռնված, ու գործը դատարանում է: ՀՀ քննչական կոմիտեն պարզել էր, որ «Քաղաքացիական պայմանագիր» կուսակցության անդամներին, նրանց աջակիցներին ահաբեկելու համար 2024 թվականի փետրվարի 20-ին քաղաքացին գնացել է Երևան քաղաքի Գյուլբենկյան 33 հասցեում գտնվող «Միավորված աշխատանքային կուսակցության» գրասենյակի մոտ և ժամը 03:50-ին գրասենյակից 9 մետր հեռավորության վրա գտնվող մայրեզրի ծառի տակ տեղադրել է նախապես պատրաստված, որպես պայթեցման միջոց շուրջ 1 կիլոգրամ տրոտիլ և պենտալիտ, ավերածություններ գործելու, մարդկանց կյանքից զրկելու, շրջակա շինություններն ամբողջությամբ ավերելու համար պիտանի ինքնաշեն պայթեցման սարքը:

Այս նույն ժամանակահատվածում պիտանի ինքնաշեն պայթեցման սարքը տեղադրել են Գյուլբենկյան 30/3 հասցեում գտնվող «Քաղաքացիական պայմանագիր» կուսակցության տարածքային գրասենյակի մուտքի մոտ՝ այդ կերպ առաջացնելով պայթյունի եւ հրկիզման իրական սպառնալիք. սակայն Վ. Հ. ի կողմից տեղադրված պայթեցման սարքերը չեն պայթել՝ ինքնաշեն պայթեցման սարքերի գործարկման մեխանիզմի հաշվարկված եղանակով չգործելու պատճառով:

Վերջիններս (Ռոմանոս Պետրոսյան, Գագիկ Մելքոնյան, Գուրգեն Արսենյան) այս գործով տուժող են ու պետք է գնան դատարան՝ ցուցմունք տալու»:

ՔՊ-ականները հենց այս գործով տուժող են, սակայն դատարան չեն ներկայանում:

«Ազգային առաջընթաց» կուսակցությունը, որը ներկայացվածություն ունի նաև ավագանիում, քաղաքապետ Տիգրան Ավինյանի պաշտոնակալության գործընթաց է պատրաստվում սկսել: «Ժողովուրդ» օրաթերթի տեղեկություններով՝ կուսակցության ղեկավար Հայկ Գրիգորյանը ավագանու անդամների հետ քննարկումներ է անցկացնում, որպեսզի անհրաժեշտ 33 ստորագրությունները հավաքեն՝ հարցը ավագանու օրակարգ մտցնելու համար: «Ազգային առաջընթաց»-ից Պետրո Ջարոնյանը «Ժողովուրդ» օրաթերթին ասաց, որ թեք ավագանու անդամները համաձայնության գան, ապա հնարավոր է՝ տարեվերջյան նիստին հարցը օրակարգ մտնի: Բայց Ավագանու անդամները, կարծես, չեն շտապում համաձայնություն տալ: Մեզ հետ զրույցում Երեւանի ավագանու անդամ Իգարյան ասաց, որ նիստ են ունենալու և հարցը պետք է քննարկեն Հայկ Մարությանի հետ, միևնույն ժամանակ շեշտեց՝ պետք է գործընթացը սկսելուց առաջ ճիշտ հաշվարկներ անել, ռեսուրսները գնահատել: Ավագանու «Մայր Հայաստան» խմբակցության ղեկավար Մանուկ Սուքիասյանն էլ նշեց՝ թող նախ «Ազգային առաջընթաց» կուսակցության անդամները իրենց ներսում վերջնական որոշում կայացնեն, բոլոր անդամները միանան նախաձեռնությանը, և նոր դիմեն մյուս խմբակցությունների անդամներին:



Նույն Դավթյանը հեղափոխությունից հետո «Արմենպրես» լրատվական գործակալության լրագրողից սահուն քայլերով (օրերս) դարձավ ՀՀ ՆԳՆ Միգրացիոն ծառայության պետ: Մինչ Միգրացիոն ծառայության պետ դառնալը Դավթյանը եղել է Ծառայության պետի օգնական, հանրային կապերի պատասխանատու, ապա Ծառայության պետի տեղակալ: Ներկայացնելով 2023 թվականի անշարժ գույքի, եկամուտների, ծախսերի եւ շահերի հայտարարագիր՝ Նույն Դավթյանը չի հայտարարագրել սեփական անշարժ գույք, սակայն հայտարարագրել է Երեւան քաղաքի Ավան վարչական շրջանում գտնվող բնակարան, որը փաստացի իրեն չի պատկանում, սակայն 90 օրից ավելի շահագործվում է իր կողմից: Հաշվետու տարվա ընթացքում Դավթյանը ձեռք է բերել մարդատար ավտոմոբիլային տրանսպորտի միջոց ALFA ROMEO մակնիշի, որն արժեցել է 1 մլն 925 հազար դրամ: Դավթյանը նաև է շահագործում է սեփականության իրավունքով իրեն չպատկանող KIA մակնիշի մեքենա: Միգրացիոն ծառայության նոր պետի բանկային հաշիվների մնացորդները կազմել են 365 հազար դրամ, որը նախորդ տարվա համեմատ ավելացել է գրեթե 130 հազար դրամով: Կանխիկ դրամական միջոցները են ավելացել են՝ 200 հազար դրամից դառնալով 350 հազար դրամ: Դավթյանի տարեկան միակ եկամուտը եղել է աշխատանքի վարձատրություն ՀՀ ՆԳՆ Միգրացիոն ծառայությունից՝ 4 մլն 645 հազար դրամ:



Դեկտեմբերի 5-ին ՀՀ արդարադատության նախարարության ՔԿ ծառայության պետ Ամբակուր Գրիգորյանը ազատվեց պաշտոնից, և դրանով կատարվեց ՔՊ խմբակցության պատգամավոր Անդրանիկ Քոչարյանի երազանքը: Հենց Գրիգորյանի համար Անդրանիկ Քոչարյանը դավեր կյուրեթե նախկին նախարար Գրիգոր Մինասյանի դեմ ու պաշտոնակալության գործընթաց սկսեց ընդդեմ Մինասյանի: Հիմա ողջ իրավապահ համակարգը սպասում է, թե ում կնշանակեն բանտապետ, որ կարողանա այդ բարդ ոլորտը կառավարել: «Ժողովուրդ» օրաթերթին հասած լուրերի համաձայն՝ իրավապահ համակարգում անուններ կան, որոնցից մեկը ՀՀ ԱՆ քրեակատարողական ծառայության պետի առաջին տեղակալ Սահակ Գրիգորյանի անունն է. շոշափվել է նաև ՔԿ օպերատիվ վարչության պետ Անդրանիկ Մելոյանի անունը, իսկ թե ով կլինի իրականում նոր գլխավոր բանտապետը՝ իրավապահ համակարգում շուկները պահած սպասում են:



ԶՐՈՒՅՑ

«ԸՆԴՈՒՄՆԻԹՅՈՒՆՆ ԼՄԲՈՂՔ ԺՈՂՈՎՈՒՐԻՆ Է», ՄՐԲԱԶԱՆ

«Շարժումը սառնակալի իր գործունեությունը ծավալում է, մարդանց հետ ենք հանդիպում, ծրագիր մշակում: Մենք ուզում ենք որոշակիացնել, հստակեցնել այն, ինչ կա մեր մեջ»,- «Ժողովուրդ» օրաթերթի հետ զրույցում ասել է Բագրատ Մրբազանը՝ խոսելով Մրբազան շարժման առաջիկա անելիքների մասին:



Բագրատ Մրբազանը նաև անդրադարձել է ԱԺ անկախ պատգամավոր Գեղամ Նազարյանի հայտարարությանը, թե ընդդիմության օրակարգը Նիկոլ Փաշինյանի հեռացումը չէ, ինչպես նաև ԲԳՊ-ում կատարվող վերջին իրադարձություններին, որը մանրամասն ներկայացված է «Ժողովուրդ» օրաթերթի նախորդ համարում:

Ստորև ներկայացնում ենք հարցազրույցի շարունակությունը:

-Մրբազան հայր, ինչպես Դուք եք նշում, որ իշխանությունն այսուհետև սպառնալից է և այնքան է փտած ներսից, որ թիմակիցներին աշխատանքից ազատելով, կամ կուսակցությունից հեռացնելով՝ փորձում է պարզապես փրկել քաղաքական գոյությունը, այնպես էլ իշխանությունը նշում է, որ ընդդիմությունն է արդեն սպառնալից՝ նշելով, որ նոր ընտրությունների դեպքում իրենք կրկին կլինեն իշխանության, իսկ ընդդիմությունը այլևս՝ ոչ:

-Ընդդիմությունն ամբողջ ժողովուրդն է: Իրենք որպես ընդդիմություն տեսնում են քաղաքական միավորներին, սակայն ընդդիմությունը ժողովուրդն է՝ ամբողջ ժողովրդի հսկայական մասը՝ իրենց վարքին է ընդդիմություն, իրենց քաղաքականությանն է ընդդիմություն: Այն ինչ սերմանել էին ուրիշների դեմ, հիմա իրենց դեմ է դարձել: Այս ատելության հսկայական ծավալը չի կարող գոյություն ունենալ մեր կյանքում, դա փչացնում է ամեն բան: Բայց իրենք են այդ բոլորի համար պատճառ դարձել: Քայլում են փողոցներում, նայում են մարդկանց դեմքերին՝ կքած դժվարություններով, հայրենիքի կորստով, որը առանցք է դարձել կյանքի: Կա որեւէ քայլ, որ արել է իշխանությունը եւ ծառայել է այդ քայլը այս ժողովրդին:

Անցյալ օրն ասում էին՝ գնացեք դիրքերը տեսեք: Մենք պարզապես չենք ուզում այդ մասին խոսել, քանի որ սխալ է: Բայց հարցրեք մարդկանց, որոնք գնացել են զորահավաքների եւ կասեն ձեզ, թե ինչ վիճակ է իրականում:

-Մրբազան, վերջերս դիմել եք Գլխավոր շտաբի պետին եւ ասել, որ զեկուցի, թե ինչ իրավիճակ է դիրքերում:

-Ո՛չ: Շաբաթ օրը կխոսեմ այդ մասին: Այստեղ տեղեկությունները անվտանգային խնդիրների վերաբերյալ բազմազան են, երկրորդն իր արտահայտությունն էր՝ «ես զեկը ձեռքս չեմ առնելու գնամ սահման պահեմ», բա ինչո՞ւ ես հագել այդ հագուստը, այդ համազգեստն ինչո՞ւ է վրադ, որպես ԳԾ պետ՝ զինվորների ու սպաների ի՞նչ ուղերձ ես հղում: Սրա հաջիվն ո՞վ է տալու, թե՛ լրագրողներին ասեց ու անցավ:

Բացի այդ, մենք տեղեկություն ունենք, որ Կիրանցի դիմաց ադրբեջանական զորքերը զորամաս են կառուցում ու նոր

ամրակայումներ են անում, եւ ոչ միայն այնտեղ:

Իհարկե, կահավորումներն ու կացարանները իր անմիջական տիրույթում չեն, սակայն նա էլ է պատասխանատու այդ ամենի համար: Առհասարակ մարտական վիճակը զորքի ինչ վիճակում է, երկրապահներն ինչ գործ ունեն դիրքերում:

-Դուք նշել եք, որ ձեր օրակարգը մեկն է՝ իշխանության հեռացում, սակայն շարժման ակտիվ մասնակիցներից մեկը՝ արդեն նախկին ընդդիմադիր պատգամավոր Գեղամ Նազարյանը նշել է. «Ով է ասում, որ մեր օրակարգում իշխանության փոփոխությունն է»:

-Գեղամ Նազարյանին ես չեմ ուզում անդրադառնալ. նա իմ ամենամեծ ցավն է: Այսքանը ասեմ, թող ինքն էլ լսի, որովհետեւ ես չեմ լսել, բայց կարծեմ Պետրոս Ղազարյանի մոտ էլ է ինչ-որ բան ասել: Չեմ անդրադառնում իրեն, սա անձնավորված հարց չէ:

Ջրուցեց ԲՐԻՍԿՆԱ ՍՈՒՇԵՂՅԱՆԸ

ՎՐԱՄՏԱՆԻ ՆԱԽԱԳԱՐԻ ԱՆԴՐԱԴԱՐՉԸ

Վրաստանի նախագահ Սալուստե Զուրաբիշվիլին Վրաստանի «Առաջին ալիք»-ին տված հարցազրույցում անդրադարձել է հոկտեմբերի 26-ին կայացած ընտրություններից հետո իր արած հայտարարությանը, ըստ որի՝ ընտրությունները կեղծելու տարբեր միջոցներ, այդ թվում, այսպես կոչված՝ «հայկական կարուսել» է կիրառվել:

«Ուզում եմ մեր հարեւան հայերին ասել, որ իմ ասած «հայկական կարուսել»-ում որեւէ էթնիկ համատեքստ չկա: Սա այն տերմինն է, որը ես լսել էի, երբ առաջին անգամ եկա Վրաստան, դա Շեւարժնաձեի ժամանակաշրջանն էր: Նաև Սասակաշվիլիի օրոք է կիրառվել: Եթե չեմ սխալվում՝ Չայաստանում կեղծման այս ձեւին «վոացական կարուսել» են կոչում: Այսպիսով, էթնիկ հարց սրա մեջ չկա», - ասել է նախագահ Զուրաբիշվիլին:

ԱՅՑ՝ ԱՄՆ

Դեկտեմբերի 5-ին ՀՀ պաշտպանության նախարար Սուրեն Պապիկյանը հանդիպել է ԱՄՆ պաշտպանության քարտուղար Լլոյդ Օսթինին:

Պենտագոնում տեղի է ունեցել դիմավորման պաշտոնական արարողություն, ինչպես նաև ԱՄՆ պետական օրհներգերը:

Սուրեն Պապիկյանը մանրամասներ է ներկայացրել ՀՀ զինված ուժերում ընթացող բարեփոխումների վերաբերյալ եւ նշել համագործակցության առաջնային ուղղությունները, որոնք ուղղված են ինչպես ՀՀ զինված ուժերի կերպավորման իրագործմանը, այնպես էլ ԱՄՆ զինված ուժերի հետ փոխգործակցելիության մակարդակի բարձրացմանը:

Լլոյդ Օսթինը նշել է, որ Հայաստանի պաշտպանական գերատեսչության ղեկավարի այցը պատմական է:

Հանդիպման ընթացքում քննարկվել են պաշտպանության բնագավառում Հայաստան-ԱՄՆ համագործակցությանն առնչվող հարցեր:

Լլոյդ Օսթինը նշել է, որ ԱՄՆ-ն աջակցում է Հայաստանի Հանրապետության անկախությանը, ինքնիշխանությանն ու բարեկեցությանը՝ ընդգծելով, որ երկու երկրների միջև համագործակցությունը շարունակում է ընդլայնվել:

Քարտուղար Օսթինը հայտնել է ԱՄՆ պատրաստակամությունը՝ ՀՀ ՋՈՒ բարեփոխումներին աջակցությունը շարունակելու հարցում:

ՀԱՅԱՍՏԱՆԸ ՊԱՐՏՔ ՈՒՆԻ

Հայաստանը կարող է պարտք ունենալ ՀԱՊԿ-ին մուծումների գծով եւ այն չվճարել երկու տարի շարունակ, իսկ այժմ պարտք կա 2024 թվականի համար, ժամկետը կլրանա 2025 թվականի վերջին: Այս մասին ՌԻԱ-ին ասել է ՌԴ ԱԳՆ ղեկավարի տեղակալ Ալեքսանդր Պանկինը:

«Հայաստանը կարող է երկու տարի չվճարել այս պարտքը: Հետագա համապատասխան որոշումներ կընդունվեն», - զգուշացրել է Պանկինը:

Նրա խոսքով՝ «իրականում Հայաստանի պարտքը արտառոց բան չէ»:

«ՀԱՊԿ ցանկացած անդամ կարող է պարտք կուտակել: Շեղել են դեպքեր, երբ այլ երկրներ ստիպված են եղել», - պարզաբանել է ՌԴ փոխարտգործնախարարը:

ԼՈՒՐԵՐ

ԻՄՐԱՅՆԵԼԻ ԽՈՐՀՈՒՐԳԸ ԲԱՐՉՐԱՅՐԵԼ Է ՀԱՅԱՍՏԱՆ ՄԵԿՆԵԼՈՒ ՆԱԽԱԳՈՒՆԱՅՄԱՆ ՄԱԿԱՐԳԱԿԸ

Իսրայելի Ազգային անվտանգության խորհուրդը երեք երկրների համար ճամփորդական նախագուշացումները համապատասխանեցրել է անվտանգության նորացված գնահատականին համապատասխան:

Ճանապարհորդության նախագուշացման մակարդակը բարձրացվել է եւ՝ Մադիվների, եւ՝ Հայաստանի համար, իսկ Բրազիլիայի համար իջեցվել է, գրում է Times of Israel-ը:

Հայաստանի համար ճամփորդության նախագուշացումը 1-ին մակարդակից բարձրացվել է 2-րդ մակարդակի՝ «Հայաստանում իսրայելցիների/իրենների համար ահաբեկչական տարրերի աճող սպառնալիքի լույսի ներքո», ասվում է

Իսրայելի Ազգային անվտանգության ծառայության հայտարարության մեջ:

Թե ինչ «ահաբեկչական տարրերի» մասին է խոսքը, խիստ գաղտնիք է:

Մակարդակ 2-ը ճանապարհորդներին խորհուրդ է տալիս «ձեռնարկել ավելի շատ նախագուշացական միջոցներ», սակայն չի դիտվում որպես կոչ՝ ընդհանրապես խուսափել այցից կամ լքել երկիրը:

Մադիվները զգոնության մակարդակը 2-ից բարձրացրել են 3-րդ մակարդակի՝ «կոզում ահաբեկիչների համախոհների առկայության եւ իսրայելցիների եւ իրենների նկատմամբ աճող թշնամանքի պատճառով»:

3-րդ մակարդակի ահազանգի ներքո իսրայելցիներին խորհուրդ է տրվում խուսափել բոլոր ոչ էական ճանապարհորդություններից դեպի այդ վայր:

Իսրայելի Ազգային անվտանգության ծառայությունը նաև ասում է, որ իջեցրել է Բրազիլիայի համար ճանապարհորդության նախագուշացումը մինչեւ 1 մակարդակ, բացառությամբ Բրազիլիա-Արգենտինա-Պարագվայ սահմանային տարածքի, որտեղ 2-րդ մակարդակի նախագուշացումը կմնա ուժի մեջ:

ՓԱՇԻՆՅԱՆԵՆՔ ԳԵՄ ՉԵՆ

ԱԳՐԲԵՋԱՆՑԻՆԵՐԻ ՎԵՐԱԳԱՐՉԻՆ.

ՀԱՅԿ ՄԱՄԻՋԱՆՅԱՆ

Իհարկե, ընդդիմությունն է պատասխանատվություն կրում դրա համար. ի պատասխան հարցին, թե հերթական տարին անցավ, եւ ընդդիմադիր շարժումը ես մեկ անգամ չհասավ իր նպատակին՝ իշխանափոխություն տեղի չունեցավ, ԱԺ ճեպարկայների ժամին ասաց ՀՀ ԱԺ «Պատիվ ունեմ» խմբակցության ղեկավար Հայկ Մամիջանյանը:

«Խորհրդարանական ընդդիմությունը խորհրդարանում է իշխանափոխության օրակարգով, եւ քանի դեռ primeminister.am կայքում Նիկոլ Փաշինյանի գլխարկով կամ առանց գլխարկի նկարն է, մենք, իհարկե, ձախողել ենք», - ասաց նա:

Միաժամանակ նշեց, որ անցնող տարում իրապարակում մի քանի անգամ տեսել է, թե ինչքան է ժողովուրդը զգված Փաշինյանի ռեժիմից:

ԻՐԱՎԻՃԱԿ

ՏԱՐԱԾԱՇՈՂՁԱՆ

ՀԱՄԱՐԱՆՎՈՐՈՒՄԻ ԱՌԱՋԻՆ ԽՈՒՄԲԸ ԿԺԱՄԱՆԻ ՀԱՅԱՍՏԱՆ

ԱՌՅԱՆՑ

ԳԱԳԱԹՆԱԺՈՂՈՎ

Յոթնյակի (G7) երկրների առաջնորդները ծրագրում են հաջորդ շաբաթ առցանց հանդիպում անցկացնել: Այս մասին հայտնում է Ճապոնիայի հանրային հեռուստատեսությունը:

NHK հեռուստաալիքի փոխանցմամբ՝ առցանց գազաթնաժողովը նախատեսվում է անցկացնել դեկտեմբերի 13-ին: Դրան Ճապոնիայից կմասնակցի վարչապետ Շիգեբո Ռոնդո:

Ընդգծվում է, որ հանդիպման ժամանակ G7-ի առաջնորդները մտադիր են «հաստատել իրենց միասնությունը»՝ ԱՄՆ-ի նախագահ Դոնալդ Թրամփի երդմանակալության նախօրեին: Ավելի վաղ էլ, որ բանակցությունների հիմնական թեմաները կլինեն իրավիճակի Ուկրաինայում եւ Մերձավոր Արեւելքում: Նշվում է նաեւ, որ G7-ի ղեկավարները կարող են քննարկել Ռուսաստանի Դաշնության եւ ԿԻՄԻ-ի դեմ լրացուցիչ պատժամիջոցներ սահմանելու հնարավորությունը:

ՀՈՒՅՍ Է ՀԱՅՏՆԵԼ, ՈՐ ԱՐԵՎՄՈՒՏՔԸ ԼՈՒՐՁ Է ԸՆԳՈՒՆԵԼ ԱԶԳԱՆՇԱՆԸ

ՌԴ արտաքին գործերի նախարար Սերգեյ Լավրովն ամերիկացի հեռուստահաղորդավար Թաքեր Կաշտոնին տված հարցազրույցում հայտարարել է, որ ԱՄՆ-ն եւ Ռուսաստանը պատերազմի մեջ չեն, ինչպես նաեւ նշել է, որ «Օրեշիկ»-ով հարվածը եղել է ազդանշան Արեւմուտքին: Լավրովի հարցազրույցը հրապարակել է ՌԴ արտգործնախարարությունը:

«Պաշտոնապես մենք պատերազմի մեջ չենք: Ունենք Ուկրաինայում տեղի ունեցող անվանում են հիբրիդային պատերազմ: Ես նույնպես դա այդպես կանվանեի: Ավելի լավ է, որ ուկրաինացիներն առանց ամերիկյան զինվորականների անմիջական մասնակցության չէին կարող անել այն, ինչ անում են առաջադեմ հեռահար սպառազինություններով: Դա վտանգավոր է: Դրանում կասկած չկա», - ասել է Լավրովը: Նա նշել է, որ Ռուսաստանը կցանկանար նորմալ հարաբերություններ ունենալ իր բոլոր հարեանների, ընդհանրապես բոլոր երկրների, «հատկապես այնպիսի հզոր երկրի հետ, ինչպիսին ԱՄՆ-ն է»:

ԳՐՈՂՎՈՐՈՒՄՆԵՐԻ ՎԵՐԱՀՄԵՈՂՈՒԹՅՈՒՆ

Հայկաի գրավումից մի քանի օր անց գրոհայինները գրավել են Սիրիայի կենտրոնական Համա քաղաքը՝ պարտության մատնելով Սիրիայի բանակի զինվորներին: Այս մասին հաղորդում է France24 պարբերականը՝ վկայակցելով Սիրիայի բանակի հաղորդագրությունը:

Ավելի վաղ «Հայաթ Թահրիր աշ-Շամ» իսլամիստական խմբավորման կողմից առաջնորդվող գրոհայինները հարձակվել էին քաղաքի վրա եւ կատաղի մարտերից հետո հայտարարել, որ գրավել են բանտը եւ ազատ արձակել բանտարկյալներին: Մեկ գիշեր կատաղի մարտեր մղելուց հետո գրոհայինները մի քանի ուղղություններից մտել են Համա, որից հետո փողոցային մարտերի բռնկվել նախագահ Բաշար ալ Ասադի կառավարական ուժերի հետ: Դեկտեմբերի 5-ին Սիրիայի բանակը խոստովանել է, որ կորցրել է վերահսկողությունը ռազմավարական դիրք ունեցող Համա քաղաքի նկատմամբ:

Հայեղում դեռեւս մնում է 10-12 հազար հայ, որոնց սահմանումը հնարավոր կլինի կազմակերպել դասեհ հնարավորության առաջացման դեղում: Սիրիահայերի առաջին խմբի ժամանումը Հայաստան սղապվում է դեկտեմբերի 14-ին:

Երեւանի «Մեդիա կենտրոն»-ում կայացած՝ «Իրավիճակը Հայեղում. հայ համայնքի ճակատագիրը. անվտանգության մտահոգություններ եւ մարդասիրական կարիքներ» թեմայով քննարկման ընթացքում նման տեղեկություններ հրապարակեց ՀՀ սփյուռքի գործերի գլխավոր հանձնակատարի գրասենյակի հայրենադարձների ինտեգրման վարչության պետ Հովհաննես Ալեքսանյանը:

Ամփոփելով նոյեմբերի 30-ին Սիրիայի հակակառավարական ուժերի վերահսկողության ներքո անցնելուց հետո Հայեղում ներկայում տիրող իրավիճակը՝ բախտոք հայտնեց, որ սրացմանը հաջորդած 1-2 օրերին որոշ հայ ընտանիքներ կարողացել են երկրորդական ճանապարհներով դուրս գալ քաղաքից: Սփյուռքի գործերի գլխավոր հանձնակատարի գրասենյակը կապ է պահպանում այդ ընտանիքների հետ, որոնց մի մասը հաստատվել է մայրաքաղաք Դամասկոսում, մյուսները՝ Լաթաքիայում եւ Քեսաբում: «Մեր տվյալներով՝ այս պահին Հայեղում կան շուրջ 10-12 հազար հայեր, որոնք հիմնականում տեղաբաշխված են երեք շրջաններում՝ Նոր Գյուլ, Ազիզե եւ Սուլեյմանիե: Հայեր կան նաեւ այլ թաղամասերում», - նշեց Ալեքսանյանը:

Նրա հաղորդմամբ՝ որոշակի ընդմիջումից հետո դեկտեմբերի 3-ին Հայեղի Սուրբ Աստվածածին եկեղեցում տեղի է ունեցել հայ համայնքի ներկայացուցիչների առաջին խոշոր հանրային հանդիպումը: Բերիո թեմը՝ Կիլիկիո հայոց կաթողիկոսության ֆինանսական միջնորդությամբ միջոցներ է հատկացնում քաղաքի կարիքավոր ընտանիքներին: Մյուս հաստատու-



թյունները նույնպես աստիճանաբար ծավալում են բարեգործական աշխատանքներ: Հայեղում հացի եւ ջրի պաշարների սղությանը պայմանավորված՝ գրանցվել է գների որոշակի թանկացում:

Հովհաննես Ալեքսանյանը նշեց նաեւ, որ ՀՀ սփյուռքի գործերի գլխավոր հանձնակատարի գրասենյակի հայրենադարձների ինտեգրման վարչությունը կապ է պահպանում տեղի համայնքային հաստատությունների եւ Սիրիայում ՀՀ դեսպանատան հետ: Վերջինս եւ ՀՀ ԱԳՆ-ն թե՛ գիծ են գործարկել հայրենակիցների համար: Բոլոր կառույցները հետեւում են իրադարձությունների զարգացմանը՝ պատրաստ լինելով ցանկացած պահի օգնության հասնել հալեպահայերին: «Այս պահին հնարավոր չէ տարհանում կազմակերպել եւ ժամկետային հասցնել: Եթե հնարավորություն լինի եւ պայմանները ներեւ, կարելի է դա դիտարկել, բայց այս պահին այդպիսի հնարավորություն չկա: Հայեղի օդանավակայանը եւ արդյունաբերական գոտին հիմա վերահսկում են իսլամիստական խմբավորումները: Մեծ թվով մարդկանց անվտանգ տարհանելու երաշխիք չկա», -

հայտնեց Հովհաննես Ալեքսանյանը: Նա տեղեկացրեց, որ դեկտեմբերի 14-ին նախատեսված է Դամասկոս-Երեւան չվերթի վտանգից մազապործ եղած սիրիահայերի առաջին խումբը կհասնի Հայաստան:

«Պատրաստ ենք ցանկացած ժամի ընդունել մեր հայրենակիցներին եւ զբաղվել նրանց խնդիրներով: Նախորդ տարիներից պահպանել ենք սիրիահայերի առողջապահական անվճար պետական աջակցության ծրագիրը, որի շրջանակում պատրաստ ենք դիտարկել մեր հայրենակիցների կարիքները: Նաեւ կոչ ենք անում մեր գործընկեր կազմակերպություններին իրականացնել համատեղ ծրագրեր», - ընդգծեց վարչության պետը: Սիրիայի մեծությամբ երկրորդ եւ ամենահայաշատ քաղաքը իսլամիստ ապստամբների վերահսկողության ներքո է անցել նոյեմբերի 30-ին:

Սիրիայում Հայաստանի դեսպանությունը նշել է, որ անվտանգ տարհանման հնարավորությունն այս պահին բացակայում է: ՀՀ ԱԳ նախարարությունը ուշադրությամբ հետեւում է զարգացումներին եւ հնարավորության դեպքում կդիտարկվեն բոլոր տարբերակները:

ՕՐՎԱ ԽՃԱՆԿԱՐ

ՀԱՅԱՍՏԱՆ-ԱԳՐԲԵՋԱՆ ԲԱՆԱԿՑՈՒԹՅՈՒՆՆԵՐԸ ՓԱԿՈՒՂՈՒՄ ՉԵՆ

Հայաստանի ազգային ժողովի իշխանական «Քաղաքացիական պայմանագիր» խմբակցության քարտուղար Արթուր Հովհաննիսյանը վստահեցնում է՝ թե՛ եւ Հայաստան-Ադրբեջան բանակցություններում կան դժվարություններ, խնդրահարույց կետեր, սակայն բանակցությունները փակուղում չեն:

Հովհաննիսյանն այս մասին ասաց խորհրդարանական ճեպագրույցում՝ անդրադառնալով Ադրբեջանի նախագահ Իլհամ Ալիևի վերջին ազդեցիկ հայտարարություններին:

Արթուր Հովհաննիսյանը նկատեց, որ մինչեւ այս տարբեր մեկնաբանություններ են հնչել Ադրբեջանից՝ տարբեր մակարդակներով:

«Բայց դա չպետք է մեզ մոտ տպավորություն ստեղծի, թե բանակցությունները մտել են փակուղի: Ոչ, բանակցությունները շարունակվում են: Բնականաբար, բանակցություններում կան դժվարություններ, խնդրահարույց կետեր, որոնց շուրջ քննարկումներն ավելի բարդ են եւ ժամանակատար: Բայց մենք փակուղի մտնելու մասին չենք խոսում, շարունակում ենք

բանակցությունները», - ասաց պատգամավորը:

Ըստ նրա՝ գլխավոր բանակցողները շարունակում են աշխատանքները Ադրբեջանի հետ խաղաղության պայմանագիրը վերջնական տեսքի հասցնելու համար: Պատգամավորի վստահեցմամբ՝ գործընթաց միշտ կա, կարող են լինել դժվարություններ, բարդություններ, սակայն գործընթացը տեղի է ունենում:

Հովհաննիսյանը բանակցություններից դետալներ չհայտնեց:

Անդրադառնալով հարցին, թե արդյոք Հայաստանն այս փուլում միջնորդի կարիք չի՞ տեսնում Հովհաննիսյանն ասաց. «Մենք ասել ենք, որ շարժվում ենք երկկողմ խոսակցությունների տրամաբանությամբ: Տեղի են ունեցել հանդիպումներ: Մեկ անգամ բավականին մեծ, ներկայացուցչական կազմով վարչապետն է Ալիևի հետ ուղիղ հանդիպել: Ընդունում ենք ցանկացած գործընկերոջ աջակցությունը, որն ուղղված է տարածաշրջանում խաղաղության հաստատմանը»:

Անդրադառնալով Ադրբեջանի կողմից ԱՄՆ պետքարտուղար Էնթոնի Բլինքենի՝ ԵԱՀԿ ԱԳ նախարարների խորհրդի շրջանակում Հայաստանի եւ Ադրբեջանի ԱԳ նախարարների հանդիպման առաջարկը մերժելուն՝ պատգամավորն ասաց, որ Հայաստանը, բնականաբար, լավ չի վերաբերվում, երբ հանդիպումները մերժվում են, հանդիպումները խաղաղության գոր-

ծընթացն ավելի ամրացնելու եւ առաջ տանելու համար են:

ՓԱՏՏԱԹՈՒՂԹ

Վարչապետ Նիկոլ Փաշինյանի որոշմամբ՝ Քրեակատարողական ծառայության պետ Ամբակուր Գրիգորյանը ազատվել է զբաղեցրած պաշտոնից:

«Ժողովուրդ» օրաթերթը գրել էր, որ Արդարադատության նախարար Սրբուհի Գալյանը նաեւ պաշտոնից կազատի Քրեակատարողական ծառայության պետ Ամբակուր Գրիգորյանին, որովհետեւ այդ հարցը նախարարության ներսում քննարկվել է, եւ կա քաղաքական իշխանության համաձայնությունը, որ Ամբակուր Գրիգորյանին հրաժեշտ տան:

Հիշեցնենք, որ «Ժողովուրդ» օրաթերթը գրել էր. «Արդարադատության նորանշանակ նախարար Սրբուհի Գալյանը կամաց-կամաց ազատվում է իր տեղակալներից: Նոյեմբերի 5-ին, երբ Գալյանը նշանակվեց նախարար, մոտ երկու շաբաթ անց՝ նոյեմբերի 22-ին, պաշտոնից ազատեց նախարարի տեղակալ Արմենուհի Հարությունյանին. երեկ նախարարի տեղակալ Կարեն Կարապետյանը լքեց պաշտոնը:

«Ժողովուրդ» օրաթերթի աղբյուրները փոխանցում են, որ դա դեռ սկիզբն է: Գալյանը կարողային ջարդը սկսել է իր տեղակալներից ու շարքը շարունակական է լինելու՝ իջնելով ներքե»:

ՎԵՆՂԵՏԱ

ՎՐԵԺ՝ ՏԱՆ ՀՐԿԻՋՄԱՆ ԵՎ ԿՐԱԿՈՑՆԵՐԻ ՏԵՍՔՈՎ

«Ժողովուրդ» օրաթերթի տեղեկությունների համաձայն՝ 17-ամյա տղաների տղամուսնային դեղով երիտասարդների են փախցնում. աղմկահարույց սղանություններն ու հետախուզվողները:

2024 թվականի մարտի 12-ին «Երեւանի ինֆորմատիկայի պետական քոլեջ»-ի ուսանող Ռաֆիկ Յովհաննիսյանի էին դաժանաբար սպանել, ինչի հետեւեալ գործով կալանավորվել էին մի խումբ երիտասարդներ եւ դեռ ավելին ըստ նախաքննական մարմնի գործով անգամ կային հետախուզվողներ:

Այս դեպքից հետո Արարատի մարզի Նոր Խարբերդ համայնքում 17-ամյա երիտասարդի սպանության դեպքի առթիվ 5 անձի նկատմամբ քրեական հետախուզում է հայտարարվել: 4 անձ կալանավորվել է, 1 անձի նկատմամբ հետախուզում է հայտարարվել:

Դատելով պաշտոնական հաղորդագրությունից՝ 17-ամյա տղաների սպանության գործով անցնողներին թաքցնում են:

Իսկ ահա 17-ամյա տղաների սպանությունները կապված են աղջկա հարցի հետ:

Նոր Խարբերդ համայնքում 17-ամյա երիտասարդին սպանել էին աղջկան SMS հաղորդագրություն ուղարկելու հարցի շուրջ առաջացած տարածայնության համար:

Սակայն սա դեռ վերջը չէ: Անչափահասների սպանությունների դեպքերով վենդետա է եղել:

Դեպքից օրեր անց միջադեպի մասնակիցներից մեկի՝ Նոր Խարբերդ բնակավայրի բնակիչի ազգականը հաղորդում է ներկայացրել, որ նոյեմբերի 12-ի ուշ երեկոյան իրեն պատկանող «Մերսեդես» մակնիշի ավտոմեքենայի ընթացքը մի քանի մեքենաներ խոչընդոտել են, ինչի պատճառով ինքը մեքենան վարել է հակառակ ուղղությամբ: Այդ ժամանակ լսել է կրակոցի նմանվող ձայն, իսկ որոշ ժամանակ անց նկատել է, որ իր մեքենայի վրա առկա են վնասվածքներ:

Բացի այդ, դեպքից օրեր անց հաղորդում է ստացվել նաեւ 17-ամյա երիտա-



սարդի սպանության մեջ մեղադրվող երիտասարդներից մեկի հորից, որ 2024թ. նոյեմբերի 11-ի երեկոյան անհայտ անձը (անձինք) փորձել է հրկիզել Նոր Խարբերդ գյուղում գտնվող չքանակեցված իր տունը, սակայն այրվել է միայն տան պատուհանը:

Ավելի վաղ ՀՀ քննչական կոմիտեն տեղեկացրել էր՝ 2024 թ. նոյեմբերի 8-ին Նոր Խարբերդ բնակավայրի 17-ամյա բնակիչի սպանության դեպքի առթիվ ՀՀ քննչական կոմիտեի Արարատի մարզային քննչական վարչության Մասիսի քննչական բաժնում նախաձեռնված քրեական վարույթի մասին: Նախաքննության ընթացքում ձեռնարկված քննչական եւ վարույթային ծավալուն գործողությունների արդյունքում պարզվել են երիտասարդի՝ կյանքի հետ անհամատեղելի մարմնական վնասվածք ստանալու դեպքին առնչվող կարեւոր հանգամանքներ:

Ոստիկանության համապատասխան ստորաբաժանի մասնաճյուղի հետ համատեղ ձեռնարկված միջոցառումների

արդյունքում հայտնաբերվել են վերոհիշյալ դեպքերի հետ առնչություն ունեցող ավտոմեքենաներից երկուսը եւ տեղափոխվել հատուկ պահպանվող տարածք: Մյուսները հայտնաբերելու ուղղությամբ միջոցներ են ձեռնարկվում:

Պարզվել է ողբերգական հետեւանքներով միջադեպին մասնակից շուրջ մեկ տասնյակ անձանց ինքնությունը, անհատականացվել են նրանց գործողությունները:

Ձեռք բերված բավարար փաստերի հիման վրա Նոր Խարբերդի գերեզմանատան մոտ տեղի ունեցած միջադեպի մասնակից 5 անձի նկատմամբ հարուցվել է հանրային քրեական հետախուզում, դատարանի որոշմամբ վերջիններիս նկատմամբ որպես խափանման միջոց կիրառվել է կալանավորում: Մեղադրյալներից 4-ը կալանավորվել են, մյուսի նկատմամբ հայտարարվել է հետախուզում:

Նախաքննությունը շարունակվում է: ԸՆՍՈՒԿՅԱՆ

ԼՈՒՐԵՐ

ԿԱՇԱՌՔ

Պաշտպանության նախարարության զորակոչային եւ զորահավաքային համալրման ծառայության Երեւան քաղաքի թիվ 1 տարածքային ստորաբաժանման զորակոչի բաժնի պետը 2024 թվականի հունիսից օգոստոսն ընկած ժամանակահատվածում երեք զինծառայողների պարտադիր ժամկետային զինվորական ծառայությունից ազատելու կամ զինվորական ծառայության համար ժամանակավորապես ոչ պիտանի ճանաչելու նպատակով համար ստացել է շուրջ 9 միլիոն դրամ կաշառք:

Մասնավորապես՝ Հակակոռուպցիոն կոմիտեում քննված քրեական վարույթով պարզվել է, որ Բաժնի պետը Ա.Թ.-ից ստացել է 3 միլիոն 880 հազար դրամին համարժեք 10 հազար ԱՄՆ դոլար, Գ.Գ.-ից՝ 3 միլիոն 103 հազար դրամին համարժեք 8 հազար ԱՄՆ դոլար եւ Կ.Ե.-ից՝ 1 միլիոն 938 հազար դրամին համարժեք 5 հազար ԱՄՆ դոլար կաշառք:

Դատախազը 2024 թվականի սեպտեմբերի 30-ին հանրային քրեական հետախուզում է հարուցել Ջորակոչի բաժնի պետի նկատմամբ՝ Քրեական օրենսգրքի 435-րդ հոդվածի 2-րդ մասի 2-րդ եւ 3-րդ կետերով (կաշառք տվողի կամ նրա մատնանշած անձի օգտին թողտվության կամ հովանավորչության կամ այլ ապօրինի գործողության կամ անգործության համար խոչոր չափերով կաշառք ստանալը) (երեք դրվագ). վերջինիս նկատմամբ որպես խափանման միջոց է կիրառված կալանքը:

Դատախազը 2024 թվականի դեկտեմբերի 6-ին հաստատել է մեղադրական եզրակացությունը եւ քրեական վարույթի նյութերի հետ հանձնել Հակակոռուպցիոն դատարան:

Ծանուցում. հանցագործության համար մեղադրվողը համարվում է անմեղ, քանի դեռ նրա մեղավորությունն ապացուցված չէ Քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ԱՊՕՐԻՆԻ ԾԱԳՈՒՄ ՈՒՆԵՑՈՎ ԳՈՒՅՔԻ ԳՈՐԾՈՎ

«Ժողովուրդ» օրաթերթի տեղեկություններով՝ Ջինված ուժերի գլխավոր շտաբի նախկին պետ Արտակ Դավթյանի ապօրինի ծագում ունեցող գույքի բռնագանձման գործը մտավ Հակակոռուպցիոն դատարան: Գործը մակագրվել է դատավոր Աշխեն Ռուբեն Դարսյանին:

Հայաստանի զինված ուժերի գլխավոր շտաբի նախկին պետ Արտակ Դավթյանը հրավիրվել է ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչություն:

«Ազդարար» հարթակում հրապարակված հաղորդագրությունից, ՋՈՒ ԳԾ նախկին պետին պատկանող գույքի առնչությամբ ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչությունում կատարվել է ուսումնասիրություն, որի արդյունքում կազմվել է ամփոփագիր:

Նշվում է, որ Արտակ Դավթյանը իրավունք ունի ծանոթանալ գործի նյութերին, հայտնել դիրքորոշում ու ներկայացնել հայտարարագիր:

ՔՐԵԱԿԱՆ ՔՐՈՆԻԿՈՍ

ԵՐԵՎԱՆՈՒՄ 20-ԱՄՅԱ ԱՂՋԻԿ Է ԳԱՆԱԿԱՆՔԱՐՎԵԼ

«Ժողովուրդ» օրաթերթին մանրամասներ են հայտնի դարձել Երեւանում 20-ամյա աղջկա դանակահարությունից:

Մասնավորապես, «Ժողովուրդ» օրաթերթին հասած տեղեկությունների համաձայն՝ նրան դանակահարողը եղել է նախկին ընկերը:

«Ժողովուրդ» օրաթերթի տեղեկություններով՝ դեպքի վայրում ակնատես քաղաքացիները նկատել են, որ դանակահարված աղջիկը, ընկնելով գետնին, ասել է՝ «չեմ ուզում մեռնել, փրկեք ինձ, ես ապրել եմ ուզում»:

Ավելին՝ «Ժողովուրդ» օրաթերթի ձեռքում են հայտնվել լուսանկարներ, թե ինչ դանակով են հարվածներ հասցրել 20-ամյա աղջկան ու ինչպես են իրավապահները շտապել դեպքի վայր:

Հիշեցնենք, որ shamshyan.com-ը հայտնել էր, որ դեկտեմբերի 4-ին Երեւանում կրծքավանդակին ստացած վնասվածքով ծայրահեղ ծանր վիճակում հիվանդանոց է

տեղափոխվել 20-ամյա աղջիկը. նա եղել է իր ընկերոջ հետ:

ՄԱՐՏԱԿԱՆ ԳԻՐՔԻՑ ԲԵՆՁԻՆ ԵՆ ԳՈՂԱՆՈՒՄ

«Ժողովուրդ» օրաթերթի տեղեկություններով՝ Հարություն Հովհաննեսի Մայիլյանի մեղադրանք է առաջադրվել այն բանի համար, որ նա, հանդիսանալով ՀՀ ՊՆ Ն զորամասի 1-ին հրաձգային գումարտակի 2-րդ հրաձգային վաշտի 1-ին հրաձգային դասակի հրամանատարի տեղակալ, նույն զորամասի հրամանատարի 2024 թվականի հունվարի 29-ի N 080 հրամանով 2024 թվականի փետրվարի 2-ից մինչեւ փետրվարի 16-ն ընկած ժամանակահատվածում ընդգրկված լինելով մարտական հերթապահության մեջ դիրքում որպես դիրքի ավագ, ի թիվս այլնի՝ կրելով նաեւ դիրքին հատկացված դիզելային վառելիքի նպատակային եւ ճիշտ օգտագործման պատասխանատվություն եւ այդպիսով հանդիսանալով պաշտոնա-

տար անձ, 2024 թվականի փետրվարի 14-ին՝ ժամը 18:00-ից մինչեւ 20:00-ն ընկած ժամանակահատվածում հիշյալ մարտական դիրքին հատկացված 50 լիտր դիզելային վառելիքը նախապես լցրել է պլաստմասե տարաների մեջ եւ Տավուշի մարզի Ազատամուտ գյուղի բնակիչ Սարգիս Միրզոյանի հետ նախապես ձեռք բերված պայմանավորվածության համաձայն՝ դրանք տեղափոխել է նույն մարտական դիրքի հարակից տարածք, որտեղ 1 լիտրը՝ 400 ՀՀ դրամի դիմաց վաճառել է Սարգիս Միրզոյանին:

Վերջինս, տեղեկացված լինելով դիզելային վառելիքի՝ հանցավոր ճանապարհով ձեռք բերված լինելու հանգամանքի մասին եւ նախապես խոստանալով ձեռք բերել՝ այն վերբեռնել է իրեն պատկանող «Օպել Կոմբո» մակնիշի 11 VV 177» հաշվառման համարանիշի ավտոմեքենան, ինչը 2024 թվականի փետրվարի 14-ին՝ ժամը 20:35-ի սահմաններում, Տավուշի մարզի Այգեհովիտ բնակավայրի վարչական տարածքում հայտնաբերվել է ՀՀ ՊՆ ՌՈՒ ԻՃԵԱՍԻ բաժնի աշխատակիցների կողմից:

Ը. ՄԱՆՈՒԿՅԱՆ

● Ըստ ոստիկանության տվյալների՝ դեկտեմբերի 5-ից 6-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 146 դեպք, որից 5-ը՝ նախկինում կատարված:

ՄԱՐԶ

ԱՐՑԱԽՅԻ ՈՉ ՄԻ ԸՆՏԱՆԻՔ ՏԱՎՈՒՇՈՒՄ ՊԵՏՈՒԹՅԱՆ ԿՈՂՄԻՑ ԲՆԱԿԱՐԱՆՈՎ ՉԻ ԱՊԱՀՈՎՎԵԼ

Տավուշի մարզպետ Յայկ Ղալումյանին հարցրել ենք՝ Տավուշի մարզի խորհրդի 2024թ. հունիսի 24-ի նիստում քննարկվել է Լեռնային Ղարաբաղից բռնի տեղահանվածների բնակապահովման ծրագիրը, հարցի զեկուցողն է եղել Տավուշի մարզպետի աշխատակազմի տարածքային կառավարման եւ տեղական ինքնակառավարման հարցերի վարչության պետ Աղաբեկ Գալստյանը: Այդ ծրագրով մինչեւ նոյեմբերի 25-ը ինչ աշխատանքներ են իրականացվել, Արցախից բռնագաղթած քանի՞ ընտանիք է Տավուշում բնակարանով ապահովվել: Մարզպետարանից պատասխանել են. «Լեռնային Ղարաբաղից բռնի տեղահանվածների բնակապահովման հետ կապված հարցը կարգավորվում է ՀՀ կառավարության «Լեռնային Ղարաբաղից բռնի տեղահանված ընտանիքների բնակարանային ապահովման պետական աջակցության ծրագիրը եւ Հայաստանի Հանրապետության առանձին բնակավայրերի ցանկերը հաստատելու մասին» 16 մայիսի 2024 թվականի N 710-Լ որոշմամբ»: Մարզպետի պատասխանից կարելի է եզրակացնել, որ Տավուշում արցախցի ոչ մի ընտանիք պետական աջակցությամբ բնակարանով չի ապահովվել:

Ջրհեղեղից 7 ամիս հետո մեծ վնասներ կրած գյուղացիներին ու տնտեսվարողներին պետական փոխհատուցում չի տրվել:

Տավուշի մարզպետ Յայկ Ղալումյանին հարցրել ենք՝ 2024թ. մայիսի 27-ի ջրհեղեղից տուժած գյուղացիական տնտեսություններին, այգիների, բանջարանոցների, տնամերձերի սեփականատերերին, այլ տնտեսվարողներին է՞րբ է ցուցաբերվելու պետության կողմից ֆինանսական աջակցություն: Մարզպետարանից պատասխանել են. «Հայաստանի Հանրապետության Լոռու եւ Տավուշի մարզերում 2024 թվականի մայիսի 25-26-ը տեղացած հորդառատ անձրեւներով պայմանավորված հեղեղումների պատճառով Տավուշի մարզում տուժած գյուղացիական տնտեսություններին եւ տնտեսվարողներին պատճառած վնասների հետ կապված փոխհատուցումների եւ աջակցությունների տրամադրման խնդիրները համապատասխանաբար կարգավորվում են ՀՀ կառավարության եւ 15.08.2024թ. թիվ 1264-Լ եւ 15.08.2024թ. թիվ 1301-Լ որոշումներով, որն այս պահին ընթացքի մեջ է»:

ՈՍՎԱՆ ՍՈՐՈՒՄՆԱՆ Տավուշ

ԱՐԱՋԱՆԳ

ՆՈՐԱԾԻՆ Է ԿՅԱՆՔԻՑ ԶԲԿՎԵԼ

«Ժողովուրդ» օրաթերթը ահազանգ է ստացել այն մասին, որ նոյեմբերի 21-ին Շիրակի մարզի «Ախուրյանի մոր եւ մանկան առողջապահության կենտրոնում» նորածնի մահվան դեղձ է գրանցվել:

«Ժողովուրդ» օրաթերթին ահազանգած քաղաքացու խոսքով՝ հղիության ընթացքում ամեն բան հարթ է եղել, ոչ մի պրոբլեմ չի եղել եւ երեխան առողջ է ծնվել, սակայն երեխայի ծնվելուց հետո նկատվել է թթվածնային քաղց:

«Նոյեմբերի 21-ին հարսիկա ընդունվում է Շիրակի մարզի «Ախուրյանի մոր եւ մանկան առողջապահության կենտրոն», ծննդատուն, այսինքն՝ մեր շաբաթականը նորմալ էր ու բալիկը պետք է ծնվեր: Հաջորդ օրը՝ ամսի 22-ին՝ ժամը 13:30-ին, մեր բալիկը ծնվում է: Բժիշկներն ասում են, որ ծննդաբերությունը նորմալ է անցել, ոչ մի խնդիր չկա, ամեն բան անցել է հարթ: Հղիության ընթացքը եւս հարթ է ընթացել, մենք անցել ենք 4 սքրինինգ՝ հետազոտություն ապահովության համար, հանձնել ենք գենետիկ անալիզ, որ պտուղը լիարժեք առողջ է, ոչ մի խնդիր չունի, անցել ենք դոպլեր հետազոտություն, որը նույնպես ամեն բան նորմալ է ցույց տվել:

Երեխան ծնվում է նոյեմբերի 22-ին՝ 3 կգ 200 գրամ քաշով, 50 սմ հասակով: Բժիշկներն ասում են, որ երեխայի հետ ամեն բան նորմալ է, ոչ մի խնդիր չկա, ունի թույլ արտահայտված թթվածնային քաղց, պետք է տեղավորեն երեխային մի երկու ժամով կուլվեզի մեջ, հետո հետ վերադարձնեն: Այդ պահին այնտեղ լինում են քույրս ու մայրս, երեխային տանում են ու ցույց չեն տալիս: Երբ այդ պահին հարցնում ենք՝ կա՞ ինչ-որ առողջական խնդիր մոտ, իրենք ասում են՝ ինչ էք ուզում մեզանից, ձեր երեխան լրիվ առողջ է, ինչ էք ընկել այս առողջ երեխայի հետեւից, նույնիսկ հարսիս թեքվել, ասել են՝ նավթ քաշի, աղջիկ ջան, էն կողմ գնա, այս երեխան առողջ երեխա է:

Հարսիկա զանգում ասում է, որ մեր առողջ երեխան ուրբաթ շաբաթ օրերին, կիրակի լուսաղեմին՝ ժամը հինգին, մահացել է: Ես ինքս գնացել եմ հիվանդանոց, մանկաբույժին հարցնում եմ, թե պատճառը ո՞րն է երեխայի մահվան, ասում է՝ ես չգիտեմ, ես չգիտեմ ինչ եղավ, ես չգիտեմ ինչու եղավ: Ասում եմ ինչ էք արել, օգնել էք, այստեղ էք եղել, մանկաբույժն էլ ասում է՝ ես հերթապահ եմ եղել, ես տանն եմ եղել: Ես ասում եմ՝ այսինքն դու հերթապահությունը թողել, գնացել ես տուն, երեխան էլ մնացել է այստեղ, ինքն էլ, թե՛ քույրն է այստեղ եղել:

Մենք գիշերը զանգել ենք ու այնպես է ստացվել, որ անընդհատ գնացել ու եկել



ենք, երեխային տեսել ենք, մտել ենք այդ ինտենսիվ թերապիայի բաժանմունք, երեխայի վիճակը նորմալ է եղել, մենք հարցրել ենք անգամ պե՞տք է տեղափոխել, անհրաժեշտություն կա՞ այլ հիվանդանոց տանելու, բժիշկ բերելու, եթե դեղ է պետք, մենք դեղեր էլ կարող ենք բերել, ոչ մի խնդիր չունենք, ամեն ձեւ կարող ենք օգնել, իրենք էլ, թե՛ ինչ էք ուզում, երեխան ուղղակի մի քիչ դժվար է ադապտացվում:

Հարսիկա անգամ ասել է, որ եթե չունեն համապատասխան դեղորայք, մենք օրիգինալ դեղեր կարող ենք բերել, իրենք էլ ասել են, որ մենք ձեր երեխային չենք բուժում, որ դեղեր բերեք: Երեխայի մահվան օրը ես հարցրել եմ, որ ինձ ասեն, թե պատճառը մահվան, թե ինչը կարող էր լինել: Բժիշկը սառած կանգնում ու ասում է, որ տեղյակ չի, չգիտի՝ ինչու այդպես եղավ: Հարցրել եմ, թե ում պատասխանատվության տակ է եղել երեխան, ասում է՝ իմ, ասում եմ բա ես քեզ պետք է հարցնեմ, ես ումի՞ց հարցնեմ, թե ինչու մեր երեխան չկա:

Սառած, քարացած նայում են ու խելագարի նման ասում չգիտեմ, տեղյակ չեմ ինչ է կատարվում: Նմանատիպ բաժանմունքներում պետք է լինի բլանկանման մի բան, որտեղ նշվում է, թե երեխան որ ժամին, ինչ հետազոտություն է անցել, ինչ է եղել: Ես մեկ ժամ անդադար պահանջել եմ ցույց տալ այն թղթերը, թե երեխային

ինչ օգնություն են ցույց տվել ու ինչ վիճակ է գրանցված»,- «Ժողովուրդ» օրաթերթին պատմեց ահազանգած քաղաքացին:

Քաղաքացու խոսքով՝ նորածնի մահաւալուց հետո առողջապահության կենտրոնը ոստիկանությանը չի հայտնել երեխայի մահվան մասին եւ այս մասին իրենք իմացել են երեխայի դին բերելու օրը:

«Ոստիկանություն հայտարարություն չեն տվել: Մենք գնացել ենք երեխայի դին բերելու, ու ամսի 23-ին պարզվել է, որ ոստիկանություն հայտարարություն տրված չի եղել, այսինքն՝ հիվանդանոցը ոչ մի կերպ չի արձագանքել, ոստիկանությանը տեղյակ չի պահվել, որ նման դեպք է եղել: Օրվա բուժքույրը եղել է Գրետա Ստեփանյանը, իսկ մանկաբույժը՝ Ֆաթիմա Գրիգորյանը, ում պատասխանատվության տակ էլ եղել է երեխան»:

Ահազանգած քաղաքացին նաեւ ասաց, որ նշանակված է դատաբժշկական փորձաքննություն, սակայն այն կտեւի 2-3 ամիս:

«Ժողովուրդ» օրաթերթը փորձեց կապ հաստատել Ախուրյանի «Ախուրյանի մոր եւ մանկան առողջապահության կենտրոնի» աշխատակիցների, տնօրինության հետ, սակայն մեր զանգերը մնում են անպատասխան:

«Ժողովուրդ» օրաթերթը պատասխան ստանալու դեպքում այն կիրապարակի:

ԱՆՆԱ ՍՈՐՈՒՄՆԱՆ

ԳԼԽԱՎՈՐ ԴԱՏԱՆԱԶՈՒԹՅԱՆ ՀԱՅՅՈՒ ԲԱՎԱՐՈՎՐԿԵԼ Է

ՉԿԱՌՈՒՑԱՊԱՏՎԱԾ ՀՈՂԱՄԱՍԸ ԿՎԵՐԱԳԱՐՁՎԻ ԻՋԵՎԱՆԻՆ

2024 թվականի նոյեմբերի 25-ին Հակոբյանից հոստարանը բավարարել է Գլխավոր դատախազության հայցը:

Հակոբյանից հոստարանը դատարանը նաեւ դադարեցրել է Իջեւանում գտնվող շուրջ 10 միլիոն շուկայական արժեքի մոտարկված կադաստրային արժեք ունեցող 0,15 հա մակերեսով

հողամասի նկատմամբ Ա.Թ.-ի եւ Ս.Չ.-ի կառուցապատման իրավունքը՝ հողամասը վերադարձնելով համայնքին:

Վճռի հիմքում դրվել է այն հանգամանքը, որ Ա.Թ.-ի եւ Ս.Չ.-ի կողմից հողամասը կառուցապատման իրավունքով ձեռք բերելուց հետո այն նպատակային նշանակությամբ չի օգտագործվել:

Հիշեցնենք, որ Գլխավոր դատախազության պետական շահերի պաշտպանության վարչությունը 2023 թվականի դեկտեմբերի 20-ին հայց էր ներկայացրել Հակոբյանից հոստարան՝ պահանջելով դադարեցնել Տավուշի մարզի Իջեւան քաղաքի Անկախության 1/41 հասցեում գտնվող 0,15 հա մակերեսով հողամասի նկատմամբ Ա.Թ.-ի եւ Ս.Չ.-ի կառուցապատման իրավունքը:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 5 պատահար. 8 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՏՆՏԵՍԱԿԱՆ

«ԿՈՆՎԵՐՍ» ԲԱՆԿ

Կոնվերս Բանկը հայտարարում է դրամային և դոլարային պարտատուների հերթական տրանշերի տեղաբաշխման ավարտի մասին:

Նախատեսվածից երկու ամիս շուտ Բանկը հաջողությամբ տեղաբաշխել է 5 մլրդ ՀՀ դրամ և 5 մլն ԱՄՆ դոլար ընդհանուր ծավալով պարտատուներ: Դրամային պարտատուների տարեկան եկամտաբերությունը 9.75% է, իսկ դոլարային պարտատուներինը՝ 4.5%, մարման ժամկետը՝ համապատասխանաբար 2 և 3 տարի, արժեկտրոնի վճարման պարբերականությունը՝ կիսամյակային:

Տեղաբաշխման հայտերի ավելի քան 80%-ը ներկայացվել է Converse Mobile հարթակով՝ ֆիզիկական անձ հաճախորդների կողմից:

Առաջիկայում պարտատուները ցուցակման կներկայացվեն Հայաստանի ֆոնդային բորսա:

Կոնվերս Բանկը վերահսկվում է ՀՀ ԿԲ կողմից:

ԺԱՄԱՆԱԿԱՎՈՐ ՄԱՐԿԱՆԱՓՈՒՄ ՈՐՈՇ ԱՊՐԱՆՔՆԵՐԻ ԱՐՏԱՐԱՆՄԱՆ ԿԵՆՏՐՈՆ

Կառավարության որոշմամբ ժամանակավոր սահմանափակում կկիրառվի ՀՀ-ից երկաթի և չեզոքված պողպատի, երկաթից կամ չեզոքված պողպատից կիսապատրաստուկների, լեգիրված ձուլակտորներով կամ այլ սկզբնական ձեւերով պողպատի, գտված պղինձի և չմշակված պղնձային համաձուլվածքների, չմշակված ալյումինի, ալյումինի փոշիների և թեփուկների՝ դեպի երրորդ երկրներ արտահանման նկատմամբ: Այս մասին հայտնում են կառավարությունից:

Որոշմամբ նախատեսվում է նաև դեպի երրորդ երկրներ արտահանվող ապրանքների համար լիցենզավորման ընթացակարգի սահմանում:

Արդյունքում հնարավորություն կտրվի ԵԱՏՄ օրենսդրության շրջանակում սահմանափակումներ կիրառել այնպիսի ապրանքների արտահանման նկատմամբ, ինչը վերաձևակերպվում է կառավարության կողմից: Նախատեսվում է, որ կիրականացվեն սե և գունավոր մետաղներից նոր արտադրությունների կազմակերպման ներդրումային ծրագրեր, որի արդյունքում կարտադրվեն զգալիորեն բարձր ավելացված արժեքով արտադրանք (մասնավորապես՝ շինարարական ամրաններ, պրոֆիլներ, լարեր, մալուխներ և այլն), այսինքն՝ ապրանքատեսակներ, որոնք մեծ պահանջարկ ունեն Հայաստանի ներքին շուկայում, ինչպես նաև սե և գունավոր մետաղներից ապրանքների ներմուծման փոխարինում:

«ԱՄԵՐԻԿԱՆԿ»

ՏԱՐՎԱ ԲԱՆԿ` The Banker ԱՄՄԱԳՐԻ ԿՈՂՄԻՑ

Ամերիկանկն արժանացել է Հայաստանի 2024թ. «Տարվա բանկ» մրցանակին Financial Times (FT) ընկերության համաշխարհային առաջատար ֆինանսական լրատվամիջոցի՝ The Banker ամսագրի կողմից: «Տարվա բանկ» մրցանակաբաժանության հաղթողները հայտնի են դարձել դեկտեմբերի 4-ին Լոնդոնում կայացած հանդիսավոր արարողության ժամանակ: Հեղինակավոր մրցանակը շնորհվում է բարձր արդյունքներ ցուցաբերած ֆինանսական հաստատություններին 127 երկրում, որոնք զգալի աճ են գրանցել՝ միեւնույն ժամանակ դահողանելով կայուն հավելեցիչ, բարելավելով սոցիալական և մարտնչական կասարելով սեխնորդիաների մեջ և ամրադնդելով իրենց դերը տեղական համայնքներում:

Բացի գործառնական և ֆինանսական ձեռքբերումներից, մրցանակակիր կազմակերպությունները գնահատվել են նաև հաճախորդներին առաջարկվող ծառայություններում բնապահպանական և սոցիալական խնդիրների լուծմանն ուղղված ջանքերի համար՝ ընդգծելով յուրաքանչյուր վարկատուի հաջողության համար ցանկացած երկրում կայուն զարգացման ռազմավարության կարևորությունը:

Որոշում կայացնելիս՝ The Banker-ի միջազգային ժյուրին նշել է, որ 2024թ.-ն առանցքային է եղել Ամերիկանկի համար, քանի որ այն միացել է Bank of Georgia Group PLC-ին (BoGG)՝ միաժամանակ պահպանելով իր ներկայությունը շուկայում որպես ինքնուրույն կազմակերպություն՝ իր կորպորատիվ բրենդով:

Ամսագիրը նշում է, որ գործարքը ռազմավարական առավելություններ է ապահովում Ամերիկանկի համար, այդ թվում, Միացյալ Թագավորությունում գրանցված և Լոնդոնի ֆոնդային բորսայում ցուցակված BoGG-ի միջոցով ավելի բարձր հասանելիություն ստանալով միջազգային ֆինանսական շուկաներին: Արդյունքում, BoGG-ի մաս կազմելով, Ամերիկանկն ավելի հեշտությամբ կկարողանա կապիտալ ներգրավել և ներդրումներ կատարել իր պրոդուկտների, ծառայությունների և տեխնոլոգիաների կատարելագործման ուղղությամբ: Ավելակվում է, որ վերոնշյալ գործարքը նաև զգալի խթան կհանդիսանա ընդհանուր առմամբ Հայաստանի ֆինանսական համակարգի և տնտեսության զարգացման համար, ինչպես նաև սոր հեռանկարներ կբացի տարածաշրջանում իրականացվող նախագծերի և թիվների համար:



յաստանի ֆինանսական համակարգի և տնտեսության զարգացման համար, ինչպես նաև սոր հեռանկարներ կբացի տարածաշրջանում իրականացվող նախագծերի և թիվների համար:

Ամերիկանկի գլխավոր տնօրեն Արտակ Հանեսյանը, խոսելով նշված մրցանակի մասին, ասել է. «Մեր առաջնահերթությունը հաճախորդների թվային փորձառության բարելավումն է՝ շուկայի զարգացող կարիքներին համապատասխան պատշաճ արձագանքի ու ճկունության միջոցով: Ամերիկանկը կշարունակի ներդրումներ կատարել թվային պրոդուկտներում և ծառայություններում՝ ընդլայնելով նաև առաջարկվող ոչ ֆինանսական ծառայությունների և պրոդուկտների շրջանակը: Մենք ակտիվորեն ներդրում ենք էկոհամակարգային լուծումներ, որոնք թույլ կտան սպասարկել մեր հաճախորդներին ցանկացած վայրում և բավարարել նրանց ֆինանսական և ոչ ֆինանսական կարիքները՝ աջակցելով վերջիններիս թե՛ առօրյա բանկային գործարքներում, թե՛ երկարաժամկետ նպատակների իրագործման ճանապարհին»:

2010թ.-ից ի վեր Ամերիկանկը «Տարվա բանկ» մրցանակին արժանանում է ինտերոլոգ անգամ:

Այս ճանաչումը 2024թ. ընթացքում «Լավագույն բանկ» անվանակարգում Ամերիկանկին շնորհված երրորդ խոշոր մրցանակն է. ընթացիկ տարում բանկը ստացել է բանկային ոլորտի համաշխարհային ամենահեղինակավոր մրցանակները, այն է՝ Euromoney պարբերականի «Գերազանցության մրցանակը» որպես լավագույն բանկը Հայաստանում, և Global Finance ամսագրի «Լավագույն բանկը Հայաստանում 2024թ.» մրցանակը:

Ամերիկանկի մասին Ամերիկանկը ֆինանսական և տեխնոլոգիական առաջատար հաստատություն է, ՀՀ տնտեսական ոլորտի նշանակալի դերակատարներից մեկը: Թվային փոխակերպման ռազմավարության ներքո՝ Բանկը ներդրում է շարունակաբար կատարելագործում է շուկայում եզակի պրոդուկտներ, ծառայություններ և նորարարական հարթակներ, որոնք միտված են բավարարելու մարդկանց ֆինանսական և ոչ ֆինանսական կարիքները:

Ամերիկանկը, որպես դիվերսիֆիկացրած ֆինանսական ընկերություն, առաջարկում է կյանքի որակը բարելավող ամբողջական լուծումներ:

Բանկը վերահսկվում է ՀՀ Կենտրոնական բանկի կողմից:

Telcell-Ը ՄՍՍՑԵԼ Ե ԶԱՎԱՍՏԱԳԻՐ

Telcell ընկերությունը մեծադեպ կարևորում է իր գործունեության անվտանգությունը և հենց այդ նպատակով էլ ստացել է ISO/IEC 27001:2022 հավաստագիր:

ISO/IEC 27001-ի համապատասխանությունը նշանակում է, որ «ԹԵԼ-ՍԵԼ» ԲԲ ընկերության տեղեկատվական անվտանգության ապահովման համակարգերը համապատասխանում են ISO-ին՝ հաշվի առնելով սույն միջազգային ստանդարտում ամրագրված լավագույն փորձն ու բոլոր սկզբունքները:

Քանի որ կիբերհանցագործությունն ամբողջ աշխարհում աճում է, և անընդհատ ի հայտ են գալիս նոր սպառնալիքներ ու մարտահարավեր, որոնք առկայության դեպքում կիբեր ռիսկերը կառավարելը կարող է դժվար կամ նույնիսկ առաջին հայացքից անհնար թվալ, ուստի ISO/IEC 27001-ն օգնում է կազմակերպություններին գիտակցել այդ ռիսկերը, ինչպես նաև ակտիվորեն բացահայտել և լուծել թույլ կողմերը:

պություններին գիտակցել այդ ռիսկերը, ինչպես նաև ակտիվորեն բացահայտել և լուծել թույլ կողմերը:

ISO/IEC 27001 տեղեկատվական անվտանգության կառավարման համակարգը ստանդարտների շարք է, որն օգնում է պահպանել և կառավարել արժեքավոր տեղեկատվական ակտիվները: Լինելով միակ միջազգային համակարգը՝ այն սահմանում է տեղեկատվական անվտանգության պահանջվող չափանիշները և նախատեսված է ապահովելու համարժեք ու համաչափ անվտանգության վերահսկում:

ISO/IEC 27001-ը տեղեկատվական անվտանգության կառավարման համակարգերի (ISMS) աշխարհի ամենահայտնի ստանդարտն է: Այն սահմանում է պահանջներ, որոնք պետք է համապատասխանեն ISMS-ին:

Վերոհիշյալ համակարգը Telcell-ին կտրամադրի մեծ առավելություններ՝ տեղեկատվության պաշտպանության մեջ ներգրավված ռիսկերը բացահայտելու և դրանք վերացնելու կամ նվազեցնելու միջոցները որոշելու առումով, առավել ևս, որ նշված ստանդարտը ցանկացած չափի և գործունեության բոլոր ոլորտների ընկերություններին տրամադրում է տեղեկատվական անվտանգության կառավարման համակարգի ստեղծման, ներդրման, պահպանման և շարունակաբար կատարելագործման ուղեցույց:

ISO/IEC 27001-ը խթանում է տեղեկատվական անվտանգության ամբողջական մոտեցումը՝ ներառյալ մարդկանց, քաղաքականության և տեխնոլոգիաների ստուգումը, հետևաբար սույն ստանդարտի համաձայն ներդրված տեղեկատվական անվտանգության կառավարման համակարգը «ԹԵԼ-ՍԵԼ» ԲԲ ընկերության համար ռիսկերի կառավարման, կիբերդիմակայունության և գործառնական գերազանցության գործիք է:

«Տողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՄՇԱԿՈՒՅԹ

«ՏԵԼԵԿՈՄ ԱՐՄԵՆԻԱ»

ԿԱՅՈՒՆ ԶԱՐԳԱՅՄԱՆ ՊԱՐՏԱՏՈՄՄԵՐԻ ԱՌԱՋԻՆ ԹՈՂԱՐԿՈՂ

«Տելեկոմ Արմենիա» ԲԲ Ընկերությունը հայտարարում է անվանական ոչ փաստաթղթային Կայուն զարգացման հետ կապված (ԿԶԿՊ) դարձանունների վաճառքի մեկնարկի մասին: Մա նման դարձանունների առաջին թողարկումն է ՀՀ կադիստի ԵՈԿԱՅՈՒՆ:



Team Telecom Armenia-ն թողարկել է Կայուն զարգացման դոլարային եւ դրամային պարտատոմսեր: Պարտատոմսի այս տեսակն ընտրելիս Ընկերությունը հիմնվել է Կայուն զարգացման իր ռազմավարական նպատակի վրա, որը ենթադրում է բիզնեսի շարունակական ընդլայնում ստանձնելով շրջակա միջավայրի վրա իր գործունեության ազդեցությունը նվազեցնելու պարտավորություն:

Առաջին սերիայի դոլարային պարտատոմսերի անվանական ծավալը 45 միլիոն դոլար է, մեկ պարտատոմսի անվանական արժեքը՝ 100 ԱՄՆ դոլար, արժեկտրոնային տոկոսադրույքը՝ 7.95%, շրջանառության ժամկետը՝ 60 ամիս: Երկրորդ սերիայի դոլարային պարտատոմսերի անվանական ծավալը 20 միլիոն դոլար է, մեկ պարտատոմսի անվանական արժեքը՝ կրկին 100 ԱՄՆ դոլար, արժեկտրոնային տոկոսադրույքը՝ 7.85%, շրջանառության ժամկետը՝ 48 ամիս:

Դրամային պարտատոմսերի անվանական ծավալը 3.9 միլիարդ դրամ է, մեկ պարտատոմսի անվանական արժեքը՝ 100 հազար դրամ, արժեկտրոնային տոկոսադրույքը՝ 11.5%, շրջանառության ժամկետը՝ 60 ամիս: Բոլոր սերիաների պարտատոմսերի տեղաբաշխումը կիրականացվի 2024թ. դեկտեմբերի 5-ից 18-ը:

Պարտատոմսերի տեղաբաշխման արդյունքում ներգրավված միջոցները Team Telecom Armenia-ն ուղղելու է իր ռազմավարական առաջնությունների զարգացմանը՝ բջջային ու ֆիքսված ցանցերի, Team Energy էլեկտրական մեքենաների լիցքավորման կայանների ենթակառուցվածքի զարգացմանը, ինչպես նաեւ վարկերի ավերողական վերաֆինանսավորմանը:

Վերջին երկու տարիների ընթացքում միջազգային ստանդարդներին համապատասխան բնապահպանական կառավարման համակարգ ներդնելու արդյունքում Ընկերությունը էականորեն նվազեցրել է իր գործունեության ազդեցությունը շրջա-

կա միջավայրի վրա՝ պարտավորվելով մինչև 2029թ. կրճատել արտանետումները 40%-ով:

Պարտատոմսերը կարելի է ձեռք բերել առցանց՝ Ամերիաբանկի MyAmerica հավելվածի MyInvest հարթակի միջոցով, կամ այցելելով Ամերիաբանկի որեէ մասնաճյուղ եւ լրացնելով հայտ-հանձնարարականը, կամ ուղարկելով լրացված հայտ-հանձնարարականի ձեւն Ամերիաբանկի էլ. հասցեին՝ capitalmarkets@ameriabank.am.

«Տելեկոմ Արմենիա» ԲԲԸ պարտատոմսերի ծրագրային ազդագիրը գրանցվել է ՀՀ կենտրոնական բանկի Նախագահի 2024թ. նոյեմբերի 27-ի ԹԻՎ 1/452Ա որոշմամբ: Պարտատոմսերի տեղաբաշխողն է «Ամերիաբանկ» ՓԲ Ընկերությունը: Պարտատոմսերի ձեռքբերման կարգին, ազդագրի էլեկտրոնային տարբերակին եւ պարտատոմսերի հրապարակային առաջարկի վերաբերյալ հայտարարություններին կարելի է ծանոթանալ այստեղ: Թողարկողի եւ առաջարկվող պարտատոմսերի բոլոր մանրամասները, ինչպես նաեւ դրանց առնչվող ռիսկերը ներկայացված են ծրագրային ազդագրում:

Team Telecom Armenia-ի մասին

Տելեկոմ Արմենիա ԲԲԸ-ն (այսուհետ՝ Team Telecom Armenia) հայկական ընկերություն է, որը առաջատար դիրք է զբաղեցնում երկրի հեռահաղորդակցության եւ տեղեկատվական տեխնոլոգիաների ոլորտներում: Հանդիսանալով Հայաստանում առաջին տեղեկոմ ցանցի ժառանգորդը՝ ընկերությունը ունի ոլորտում ծառայությունների մատուցման ավելի քան 100 տարվա պատմություն: Tea2-ը տրամադրում է բջջային եւ ֆիքսված ինտերնետի, թվային հեռուստատեսության, բջջային եւ ֆիքսված հեռախոսակապի ծառայություններ թե՛ անհատ, թե՛ կորպորատիվ բաժանորդներին: Հայաստանի բոլոր բնակիչներին բարձրակարգ հեռահաղորդակցության ծառայությունների մատուցումը Team Telecom Armenia-ի նպատակն է: Դրան հասնելու համար ընկերությունն անընդհատ արդիականացնում ու վերազինում է բջջային եւ ֆիքսված ցանցերը, գործարկում նոր միջազգային կապուղիներ, որոնք նաեւ բարձրացնում են Հայաստանում ինտերնետի հուսալիության եւ անվտանգության մակարդակը:

ՄԱՐԶԱԿԱՆ

12 ՄԱՄՆԱԿԻՑ ՀԱՅԱՍՏԱՆԻՑ՝ ԿԱՅԾԱԿԵՆԱՅԻՆ ԸՆԽՄԱՏԻ ԱՌԱՋՆՈՒԹՅՈՒՆՈՒՄ



Արագ եւ կայծակնային շախմատի աշխարհի առաջնությունում Հայաստանը կունենա 12 մասնակից:

Տղամարդկանցից հանդես կգան Զավեն Անդրիասյանը, Կարեն Գրիգորյանը, Հայկ Մարտիրոսյանը, Տիգրան Պետրոսյանը, Շանթ Սարգսյանը, Ռոբերտ Հովհաննիսյանը, Արամ Հակոբյանը եւ Էմին Օհանյանը:

Կանանց մրցաշարին կմասնակցեն Աննա Սարգսյանը, Լիլիթ Մկրտչյանը, Էլինա Դանիելյանը եւ Մարիամ Մկրտչյանը:

Արագ եւ կայծակնային շախմատի աշխարհի առաջնությունը կկայանա դեկտեմբերի 26-28-ը Նյու Յորքում:

ՄՊԵՐՑՅԱՆԸ, ՀՆԱՐԱՎՈՐ Է, ՏԵՂԱՓՈԽՎԻ ՊՍԺ

Ռուսական «Կրասնոդարի» կիսապաշտպան Էդուարդ Սպերցյանը հնարավոր է՝ տեղափոխվի ֆրանսիական ՊՍԺ, հայտնում է «ԷՄԲԷ ՍՊՈՐՏ»-ը:

Աղբյուրի համաձայն՝ փարիզյան ակումբը 24-ամյա ֆուտբոլիստի համար պատրաստ է վճարել 20 միլիոն եվրո, սակայն «Կրասնոդարի» սեփականատեր Սերգեյ Գալիցկին չի ցանկանում ձեռնային տրանսֆերային պատուհանի ընթացքում գրկվել թմրամիջոցների:

Էդուարդ Սպերցյանը «Կրասնոդարի» սան է եւ մինչև 2026 թ. հունիսի 30-ը պայմանագիր ունի ակումբի հետ:

ՀԱՅՏՆԻ ԵՆ ՀԱՅԱՍՏԱՆԻ ԱՌԱՋԻՆ ԽՄԲԻ ԱՌԱՋՆՈՒԹՅԱՆ ՄՐՑԱՆԱԿԱԿԻՐՆԵՐԸ

Ավարտվել է շախմատի տղամարդկանց Հայաստանի առաջին խմբի 85-րդ առաջնությունը:

Առաջին տեղը 8,5 միավորով զբաղեցրել է ՖԻԴԵ-ի վարպետ Սարգիս Սարգսյանը: 7,5 միավորով երկրորդ մրցանակակիր է դարձել գրոսմայստեր Մամիկոն Դարիբյանը, իսկ եռյակը եզրափակել է ՖԻԴԵ-ի վարպետ Բենիկ Ազասարովը՝ 6,5 միավորով:

ՄԻՋՈՑԱՌՈՒՄՆԵՐ

ԿՄՏԵՂԾՎԻ

«ՏԱՓԻ ԲԵՐԴ»

ՊԱՏՄԱՄՇԱԿՈՒԹԱՅԻՆ ԱՐԳԵԼՈՑ

Գործադիրի որոշմամբ կստեղծվի «Տափի բերդ» պատմամշակութային արգելոց, որը հանդիսանում է հանրապետական նշանակության հուշարձանի եւ ընդգրկված է պետական ցուցակում:

Ըստ հիմնավորման՝ արգելոցների ստեղծումը կնպաստի զբոսաշրջության զարգացմանը եւ զբոսաշրջիկների թվի աճին: Ներկայումս հիշյալ հուշարձանի տարածքներում բացակայում են անհրաժեշտ ենթակառուցվածքները, եւ շատերը չեն այցելում այդ վայրեր:

Արգելոցների ստեղծմամբ հնարավորություն կստեղծվի իրականացնել կրթական, գիտատեղեկատվական, մշակութային գործունեություն, նաեւ արգելոցի ստեղծ-

ման արդյունքում ստեղծվելու են ենթակառուցվածքներ, բարելավվելու է տարածքը, տեղադրվելու է տոմսային տնտեսություն, աշխատելու է մշտական պահակ, անցկացվելու է լուսավորություն: Արգելոցի ստեղծման արդյունքում համայնքի ազգաբնակչությունը կարողանալու է իրացնել իր իսկ պատրաստած հուշանվերային արտադրանքը եւ ստանալ լրացուցիչ եկամուտ:

Բացի դրանից՝ հուշարձանների մեծ մասն ընդգրկված չէ զբոսաշրջային երթուղիներում, ուստի արգելոցների ստեղծման պարագայում իրականացվում է հանրահռչակման աշխատանքներ եւ դրանք ընդգրկվելու են զբոսաշրջային երթուղիներում: Մշակութային զբոսաշրջության կայուն զարգացման եւ զբոսաշրջային արդյունքի որակի շարունակական ապահովման համար անհրաժեշտ է ստեղծել եւ զարգացնել ոլորտը սպասարկող ենթակառուցվածքներ, որոնք կդառնան նոր ուղղություններ:

«ԳՈՅ» ԹԱՏՐՈՆԸ ՄՏՈՐԱԳՐԱՀԱՎԱՐ Է ՄԿՄԵԼ

«Գոյ» թատրոնը հայտարարություն է տարածել, որում ասվում է. «Գոյ» թատրոնը կանգնած է ոչնչացման վտանգի առաջ:

Թատրոնը տարիներ շարունակ եղել է լաբորատոր - փորձարարական արվեստի կարելու կենտրոն՝ դառնալով բազմաթիվ դերասանների, ռեժիսորների եւ այլ ստեղծագործողների համար ինքնարտահայտման հարթակ: Մենք չենք կարող թույլ տալ կորցնել այս արժեքավոր մշակութային օջախը:

Ձեր աջակցությունը կարող է փոխել իրավիճակը: Մշակույթի պաշտպանությունը յուրաքանչյուրիս պարտքն է»,- ասված է հայտարարության մեջ:

● Դեկտեմբերի 11-ին՝ ժամը 19:00-ին, Երեւանի պետական կամերային թատրոնում կցուցադրվի «Ինչ տարբերություն, թե ում հետ» ներկայացումը: Տոմսերի արժեքը՝ 3.000-8.000 դրամ:



Էջը՝ ԱԼԿԱՐԴ ԿՈՇԿԱԿԱՐՅԱՆԻ

## ՏՆՏԵՍԱԿԱՆ

**ՀԱՐՑ. Որո՞նք են հողամասերի ընդհանուր սեփականության, ընդհանուր օգտագործման իրավունքները:**

Սարիբեկ Սեդրակյան (59 տարեկան)



**ՊԱՏԱՍԽԱՆ.** Երկու կամ մի քանի անձանց մոտ սեփականության, օգտագործման ներքո գտնվող հողամասը նրանց է պատկանում համապատասխանաբար՝ ընդհանուր սեփականության, ընդհանուր օգտագործման իրավունքով:

Հողամասի նկատմամբ ընդհանուր սեփականության իրավունքը ծագում է երկու կամ մի քանի անձանց սեփականության իրավունքով այն հողամասն անցնելիս, որը չի կարող բաժանվել առանց դրա նպատակային նշանակության փոփոխման կամ օրենքի ուժով ենթակա չէ բաժանման, ինչպես նաև սեփականատերերի կողմից իրենց պատկանող հողամասերը կամովին՝ պայմանագրի հիման վրա մեկ հողամասում միավորելիս:

Օրենքներով եւ այլ իրավական ակտերով, հողաշինարարական եւ քաղաքաշինական փաստաթղթերով սահմանվում են հողամասերի նվազագույն չափերը, որոնցից ցածր չի թույլատրվում ընդհանուր սեփականությունից առանձնացնել հողամասեր (ըստ օրենքի՝ անբաժանելի հողամասեր):

**ՀՀ շրջակա միջավայրի նախարարություն**

**«ԺՈՂՎՈՒՐԳ».** Սեփականատերերից մեկին պատկանող շենքի, շինության վերակառուցումը չի հանգեցնում ընդհանուր հողամասում նրա բաժնի մեծացմանը՝ առանց մյուս սեփականատերերի համաձայնության:

## ԿՎՐԳ

**ՀԱՐՑ. Որո՞նք են ամուսնության մեջ չգտնվող անչափահաս ծնողների իրավունքները:**

Նելլի Սաղաթեյան 19 տարեկան



**ՊԱՏԱՍԽԱՆ.** Ամուսնության մեջ չգտնվող անչափահաս ծնողներն ունեն իրենց երեխայի հետ համատեղ ապրելու եւ նրա դաստիարակությանը մասնակցելու իրավունքներ:

Ամուսնության մեջ չգտնվող անչափահաս ծնողներից երեխա ծնվելու դեպքում, ինչպես նաև նրանց մայրությունը եւ (կամ) հայրությունը որոշելիս ծնողները ամուսնության տարիքը լրանալուց հետո կարող են ինքնուրույն իրականացնել ծնողական իրավունքները:

Մինչև անչափահաս ծնողների ամուսնության տարիքը լրանալը նրանց երեխայի համար կարող է նշանակվել խնամակալ, որը անչափահաս ծնողների հետ համատեղ կիրականացնի այդ երեխայի դաստիարակությունը: Երեխայի խնամակալի եւ անչափահաս ծնողների միջև առաջացած տարաձայնությունները կարգավորում է խնամակալության եւ հոգաբարձության մարմինը:

**ՀՀ քաղաքացիական կացության ակտերի գրանցման գործակալություն**

**«ԺՈՂՎՈՒՐԳ».** Ամուսնության մեջ չգտնվող անչափահաս ծնողներն իրավունք ունեն ընդհանուր սկզբունքներով ընդունելու կամ վիճարկելու իրենց հայրությունը եւ մայրությունը:

## ԼՈՒՐ ԿԱԴՐ

Լուսանկարը՝ համացանցից



Միքայել Պողոսյանը նշանակվել է Հայաստանի բաւկետրոլի մինչեւ 16 տարեկանների հավաքականի գլխավոր մարզիչ՝ Նախապատրաստվելու 2025 թվականի առաջին կայանակիք Եվրոպայի C դիվիզիոնի առաջնությանը:

## ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել



**«Հայկոստ» ՊՓԲԸ**  
հեռ. 51-45-46, 51-45-47

**«Բլից-Մեդիա» ՍՊԸ**  
հեռ. 52-5301

Առաքումը՝ **ԱՆՎՃԱՐ:**

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

## ԱՌԱՋԱՐԿ

### հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

### Բաժանորդագրության բլանկ

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

## ԵՂԱՆԱԿԻ ՏԵՍՈՒԹՅՈՒՆ



☀	Շիրակ	-5 - 9 -1 + 2	☀	Արարատ	0 - 4 +6 + 8
☀	Կոտայքի լեռներ	-6 - 8 -1 + 1	☀	Արմավիր	-1 - 5 + 5 + 7
☀	Կոտայքի նախալեռներ	-3 - 5 +3 + 5	☀	Վայոց ձորի լեռներ	-6 - 10 0 - 2
☀	Գեղարքունիք	-7 - 11 - 2 + 1	☀	Վայոց ձորի նախալեռներ	-1 + 2 +12 + 14
☀	Լոռի	-4 - 8 +1 + 4	☀	Սյունիքի հովիտներ	0 + 3 + 8 + 10
☀	Տավուշ	0 - 4 +3 + 6	☀	Սյունիքի նախալեռներ	- 4 - 8 - 1 + 4
☀	Արագածոտնի լեռներ	- 6 - 9 0 - 2	☀	ԼՂՀ	- 3 - 7 0 + 6
☀	Արագածոտնի նախալեռներ	- 1 - 4 + 4 + 7	☀	Երեւան	0 - 2 + 2 + 4

Լրատվական գործունեություն իրականացնող՝  
«Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 5.12.2024  
Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ  
չեն վերադարձվում, Գ նշանով նյութերը գովազդային  
հրապարակումներ են, որոնց համար խմբագրությունը  
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս  
կամ ընթացիկ մեջբերումներ անելիս պետք է պարտադիր գրառել  
հետևյալ նախադասությունը. «Շարունակությունը կարող էք կարդալ  
«Ժողովուրդ» օրաթերթի այսօրվա համարում»: